

Na osnovu člana 26. i člana 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 97. stav 3. Zakona o zdravstvenom osiguranju ("Službene novine Federacije BiH", broj 30/97, 7/02, 70/08 i 48/11) i člana 22. Statuta Zavoda zdravstvenog osiguranja Kantona Sarajevo ("Službene novine Kantona Sarajevo", broj 4/00, 18/02, 30/08, 1/12 i 15/13), Vlada Kantona Sarajevo na 92. sjednici, održanoj 17.08.2017. godine, donijela je

## ODLUKU

### O DAVANJU SAGLASNOSTI NA PRAVILNIK O UNUTRAŠNJOJ ORGANIZACIJI STRUČNE SLUŽBE ZAVODA ZDRAVSTVENOG OSIGURANJA KANTONA SARAJEVO

#### I

Daje se saglasnost na Pravilnik o unutrašnjoj organizaciji Stručne službe Zavoda zdravstvenog osiguranja Kantona Sarajevo, broj: 01-01-S.T.-20470/17 od 05.06.2017. godine.

#### II

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-25774-28.1/17  
17. augusta 2017. godine  
Sarajevo

Premijer  
**Elmedin Konaković**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i broj 37/14 - Ispravka), člana 29. stav 2. Zakona o ustanovama ("Službeni list R BiH", broj 6/92, 8/93 i 13/94) i člana 138. Zakona o srednjem obrazovanju ("Službene novine Kantona Sarajevo", broj 23/10 i 1/16), Vlada Kantona Sarajevo na 92. sjednici, održanoj 17.08.2017. godine, donijela je

## ODLUKU

### O DAVANJU SAGLASNOSTI ZA IMENOVANJE DIREKTORA JAVNE USTANOVE SREDNJA UGOSTITELJSKO-TURISTIČKA ŠKOLA

#### I

Daje se saglasnost Školskom odboru Javne ustanove Srednja ugostiteljsko-turistička škola Sarajevo, da se Fatima Hodžić Omerović, profesor istorije književnosti naroda i narodnosti SFRJ i srpskohrvatskog i hrvatskosrpskog jezika, imenuje za direktora Škole.

#### II

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-25774-7/17  
17. augusta 2017. godine  
Sarajevo

Premijer  
**Elmedin Konaković**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i broj 37/14 - Ispravka), člana 29. stav 2. Zakona o ustanovama ("Službeni list R BiH", broj 6/92, 8/93 i 13/94) i člana 138. Zakona o srednjem obrazovanju ("Službene novine Kantona Sarajevo", broj 23/10 i 1/16), Vlada Kantona Sarajevo na 92. sjednici, održanoj 17.08.2017. godine, donijela je

## ODLUKU

### O DAVANJU SAGLASNOSTI ZA IMENOVANJE DIREKTORA JAVNE USTANOVE SREDNJA MEDICINSKA ŠKOLA JEZERO

#### I

Daje se saglasnost Školskom odboru Javne ustanove Srednja medicinska škola Jezero, da se Kulić dr. Jasminka, imenuje za direktora Škole.

#### II

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-25774-8/17  
17. augusta 2017. godine  
Sarajevo

Premijer  
**Elmedin Konaković**, s. r.

Na osnovu člana 19. stav (1) tačka 2., člana 21. stav (1) i (4) i člana 23. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", broj 86/07, 24/09, 44/10 i 30/16), člana 26. i 27. stav (2) Zakona o tržištu vrijednosnih papira ("Službene novine Federacije BiH", broj 85/08, 109/12, 86/15 i 25/17), a u vezi sa tačkom II stav (1) Odluke o uslovima i procedurama emisije obveznica Kantona Sarajevo ("Službene novine Kantona Sarajevo", broj 22/16) i člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo na 92. sjednici, održanoj 17.08.2017. godine, donijela je

## ODLUKU

### O ZADUŽENJU KANTONA SARAJEVO PUTEM EMISIJE OBVEZNICA KANTONA SARAJEVO

#### I

Odobrava se zaduženje Kantona Sarajevo (u daljem tekstu: Kanton) putem emisije obveznica radi prikupljanja sredstava za finansiranje dijela kapitalnih projekata u skladu sa članom 1. Budžeta Kantona Sarajevo za 2017. godinu, u iznosu do 13.075.000,00 KM (slovima: trinaestmilijonedamdesetpet-hiljada KM).

Emisija obveznica će se izvršiti javnom ponudom putem aukcije na berzi.

#### II

Osnovni elementi obveznica iz tačke I ove odluke su:

- Emitent: Kanton Sarajevo, ul. Reisa Džemaludina Čauševića 1
- Redni broj emisije: IV (četvrta) emisija
- Klasa vrijednosnih papira: obveznica sa fiksnim kuponom
- Broj obveznica: 13.075.000
- Nominalna vrijednost obveznice: 1.000,00 KM
- Ukupna vrijednost emisije: 13.075.000,00 KM
- Dospijeće: 5 godina
- Visina kamate: metod višestruke cijene
- Rok za isplatu kamate: polugodišnje, od datuma upisa u Registar emitenata kod Komisije za vrijednosne papire FBiH
- Isplata glavnice: jednokratno na datum dospijeća
- Datum aukcije: 26.09.2017. godine
- Kriterij uspješnosti emisije: upis i uplata najmanje 60% ukupnog broja obveznica
- Metod aukcije: anonimna aukcija.

#### III

Komisija za vrijednosne papire FBiH odlučuje o zahtjevu Kantona za odobrenje emisije obveznica donošenjem rješenja.

Kanton će pripremiti prospekt emisije u skladu sa čl. 32. i 33. Zakona o tržištu vrijednosnih papira ("Službene novine Federacije BiH", br. 85/08, 109/12, 86/15 i 25/17).

IV

Javni poziv za učestvovanje u emisiji obveznica Kantona objavljuje se na internet stranicama Ministarstva finansija Kantona Sarajevo (u daljem tekstu: Ministarstvo), agenta emisije, i Sarajevskoj berzi-burzi vrijednosnih papira d.d. Sarajevo (u daljem tekstu: SASE) i u dnevnim novinama u Federaciji BiH, najkasnije sedam dana prije dana održavanja aukcije.

Kanton je obavezan u roku od 3 (tri) dana od dana objave javnog poziva Komisiji za vrijednosne papire FBiH dostaviti dokaz da je poziv objavljen.

V

Obveznice se emituju u nematerijalizovanom obliku i registruju kod Registra vrijednosnih papira u Federaciji Bosne i Hercegovine (u daljem tekstu: RVP). Ministarstvo sa RVP zaključuje ugovor o poslovima registracije i vođenja obveznica.

Obveznice se izdaju u originalnoj valuti KM, s tim da se njihova vrijednost veže za vrijednost EUR (EUR valutna klauzula) gdje je vrijednost na dan izdanja jednaka fiksnoj vrijednosti od EUR = 1,95583 KM. U slučaju promjene vrijednosti EUR za KM, primjenjivat će se srednji kurs EUR za KM prema kursnoj listi Centralne banke Bosne i Hercegovine na dan izmirenja obaveza po obveznici.

Ne postoje nikakva ograničenja u prenosu obveznica.

VI

Vlasništvo nad obveznicama stiče se na dan upisa u Registar Komisije za vrijednosne papire FBiH, upisom obveznica na odgovarajuće račune vrijednosnih papira koji se vode kod RVP i vlasniku daje pravo naplate nominalne vrijednosti glavnice i kamate.

Sredstva za izmirenje obaveza iz stava 1. ove tačke osigurat će se iz Budžeta Kantona Sarajevo.

VII

Obveznice iz tačke II ove Odluke mogu se otkupiti prije roka njihovog dospijanja.

VIII

Prodaja obveznica vrši se putem aukcije na SASE metodom višestruke cijene. Nalozi se ispostavljaju unošenjem prinosa na dva decimalna mjesta.

Cijena obveznice se utvrđuje na osnovu sljedeće formule:

$$CIJENA = \left[ \frac{\text{isplata}}{\left(1 + \frac{\text{prinos}}{\text{ucestalost}}\right)^{N-1 + \frac{DSC}{E}}} \right] + \left[ \sum_{k=1}^N \frac{100 \times \frac{\text{stopa}}{\text{ucestalost}}}{\left(1 + \frac{\text{prinos}}{\text{ucestalost}}\right)^{k-1 + \frac{DSC}{E}}} \right]$$

DSC = broj dana od datuma poravnanja do narednog kuponskog datuma,

E = broj dana u kuponskom periodu u koji ulazi datum poravnanja.

N = broj kupona plativih između datuma poravnanja i datuma isplate,

A = broj dana od početka kuponskog perioda do datuma poravnanja.

IX

Ministarstvo zadržava pravo da prihvati ponudu u cjelini, djelimično ili da odbije sve ponude za kupovinu.

X

Poslove po osnovu emisije obveznica obavlja Ministarstvo. Ministarstvo zaključuje ugovor sa SASE, bankom depozitarom, agentom emisije o obavljanju poslova u emisiji obveznica i Registrom vrijednosnih papira kao platnim agentom.

XI

Aukcija obveznica na primarnom tržištu obavlja se preko aukcijske platforme berzanskog trgovinskog sistema (u daljem tekstu: BTS) SASE u periodu od 9:00 do 13:00 sati osim ako u javnom pozivu nije drugačije naznačeno.

Ponude za kupovinu obveznica unose se u BTS kao kupovni nalozi u periodu od 9:00 do 10:00 sati i u tom periodu dozvoljene su izmjene prinosa i količine iz kupovnog naloga kao i povlačenje kupovnih naloga.

Ponuda za prodaju obveznica unosi se kao prodajni nalog u BTS u periodu od 10:00 do 13:00 sati.

XII

Ovlaštena osoba Ministarstva, za izdavanje naloga za prodaju obveznica Kantona na osnovu unesenih kupovnih naloga, izdaje prodajni nalog.

XIII

Nakon registracije obveznica u Registar emitenata kod Komisije za vrijednosne papire FBiH, RVP registruje obveznice u skladu s ugovorom i o tome obavještava SASE i Ministarstvo.

Na osnovu izvještaja RVP o registraciji, Ministarstvo dostavlja zahtjev SASE za uvrštavanje obveznica na Kotaciju SASE.

XIV

Za realizaciju ove Odluke, izvještavanje o nastaloj obavezi za Kanton i poduzimanje ostalih aktivnosti u vezi s emisijom obveznica zadužuje se Ministarstvo.

XV

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-25774-6/17

17. augusta 2017. godine  
Sarajevo

Premijer

**Imedin Konaković, s. r.**

Na osnovu člana 26. i člana 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 9. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), a u vezi sa tačkom V Odluke o kriterijima za nominiranje/imenovanje predsjednika i članova upravnih odbora javnih zdravstvenih ustanova čiji je osnivač Kanton Sarajevo ("Službene novine Kantona Sarajevo", br. 19/12, 12/13 i 17/15) i tačkom V Odluke o kriterijima za nominiranje/imenovanje predsjednika i članova nadzornih odbora javnih zdravstvenih ustanova čiji je osnivač Kanton Sarajevo ("Službene novine Kantona Sarajevo", br. 19/12 i 12/13), Vlada Kantona Sarajevo na 92. sjednici, održanoj 17.08.2017. godine, donijela je

**RJEŠENJE**

**O IMENOVANJU KOMISIJE ZA  
NOMINIRANJE/IMENOVANJE ČLANA UPRAVNOG  
ODBORA I ČLANA NADZORNOG ODBORA JAVNIH  
ZDRAVSTVENIH USTANOVA, ČIJI JE OSNIVAČ  
KANTON SARAJEVO**

I

U Komisiju za nominiranje/imenovanje jednog (1) člana Upravnog odbora JU Dom zdravlja Kantona Sarajevo - predstavnika osnivača i jednog (1) člana Nadzornog odbora JU "Apoteke Sarajevo" - predstavnika osnivača, čiji je osnivač Kanton Sarajevo (u daljem tekstu: Komisija za izbor) imenuju se:

1. Amra Isić, dipl. iur. - predsjednik
2. Alen Katović, dipl. pravnik - član
3. Amela Ferhatović, dipl. oec. - član
4. Ediba Musić, dipl. pravnik - član
5. Prim. dr Amra Ajanović - član.